

Gipuzkoako Aldizkari Ofiziala

247. zenbakia

Data 2006-12-30

29472 orria

7 UDAL ADMINISTRAZIOA

ORMAIZTEGIKO UDALA

2007ko zerga ordenantzen aldaketa. Behin betiko onespena.

ORMAIZTEGIKO UDALA

Ormaiztegiko Udalaren titulartasun publikoko bideen erabilera eta aprobetxamendu berezia arautzeko Ordenantza.

ATARIKO TITULUA

1. artikulua. Helburua.

Toki araubidearen oinarriak arautzen dituen 7/1985 Legearen 25. artikulua, toki-erakundeen ondasunen erregelamenduak eta horiekin bat datozen gainontzeko legeek diotenaren arabera, Ormaiztegiko udalak ordenantza honen bidez arautu ditu lurzoru ez hiritargarran (edo hirigintzako legean ageri den antzeko izendapenen bat) dauden udalaren titulartasuneko bideen erabilera komuna eta berezia; ordenantzaren helburua da ibilgailu astunek, eta bereziki baso ustiapenen ondoriozko egur eta enborkien garraiotik eratorriko aprobetxamenduak aipatu bideak hondatzea eragozte.

2. artikulua. Aplikazio eremua.

Ordenantza Ormaiztegiko udalbarrutian aplikatuko da.

3. artikulua. Udalaren titulartasuneko bideak.

Udalaren titulartasunekoak dira Udaltza honen Ondasun eta Eskubideen Inbentarioan sartuta dauden landa-bideak, horrela idatzita baitago Toki-erakundeen Ondasunen erregelamenduko 17. artikuluan –1.372/1986 Errege Dekretu bidez onartua ekainaren 13an (halere, horrek ez du esan nahi ez denik bete behar legezko testu horretako 3. artikulua dioena)– eta Ormaiztegiko bide publikoen eranskinean, 1994ko abuztuko.

4. artikulua. Helburua.

Landa inguruneko errepide eta bideen kontserbazio arloan Udalak dituen eskumenak erabiltzeko, udala dagokion esparru juridikoarekin hornitzea da arau horren helburua.

ATARIKO TITULUA

UDALAREN JABARI PUBLIKOKO BIDEAK

5. artikulua. Erabilera komun orokorra.

Jabari publikoko bideen erabilera komuna askea izango da, betiere horiek duten izaera kontuan hartuta eta lege, araudi eta gainontzeko xedapen orokorrek diotenaren arabera.

6. artikulua. Erabilera komun berezia.

Erabilera berezizat hartuko da jabari publikoko bideak erabiltzea honako ibilgailu hauekin:

- Beldar-ibilgailua.
- Kateduna edo antzekoak.
- Zoladura gaineko arraste ibilgailuak.
- Errodadura-bandadun ibilgailuak.
- Hiru ardatz baino gehiagoko kamioiak.
- Arrasteko gurdienak, hala nola lera eta antzekoak.
- 7 Tm/ardatzeko pisua baino handiagoa duten ibilgailuak.

7. artikulua. Debekua.

Edozein kasutan erabat debekatua dago udalarenak diren landa eremuko bideetan ibiltzea 26 Tm baino gehiago pisatzen duten ibilgailuekin.

8. artikulua. Erabilera komun berezirako baimenak.

Jabari publikoko bideen erabilera komun berezia egiteko udalaren baimena lortu behar da aurrez.

9. artikulua. Baimen eskaera.

6. artikulua aurreikusten duen lez, landa eremuko bideen erabilera komun berezia dela eta, dagokion baimena eskatu behar da, eta horretarako idatzi bat bidali behar zaio alkateari honako datu hauek emateko:

- Jabearen, kontratistaren, sustatzailearen edo legezko ordezkariaren nortasunari buruzko datuak eta beren sinadura.
- Joan-etorrian ibiliko den ibilgailuari edo ibilgailuei buruzko datuak; gainera, zehaztu egin behar da horien matrikula zenbakia, egingo diren joan-etorrien kopurua eta bakoitzean eramango diren kargak.

— Ibilbide nagusia eta bestelako ibilbideak zehaztu beharko dira, izanez gero behintzat; eta hori guztia egoera planoan adierazi beharko da.

— Aurreikusitako iraupena, garraioaren hasiera eta amaiera datak zehaztuz.

— Garraiatuko diren materialen bolumena estereo edo Tm-tan adierazita.

— Materialak pilatzeko asmoa izanez gero, zein tokitan adierazi beharko da grafikoki.

— Materialak ateratako mendi edo tokiaren izena eta kokalekua; egokia izanez gero, katastroko erreferentzia ere jarriko da.

— Dagokion agintaritza eskumendunaren baimena egurra atera edo mozteko.

— Orokorrean, beharrezko informazioa hornitzeko beharrezko jotzen diren datu guztiak.

10. artikulua. Erabaki epea.

1. Behin 9. artikuluko baldintzak betetzen dituen eskaera eginda, izapideak egitea onartua izan, kasua bere gain hartu duen Informazio Batzordearen txostena eta udal teknikariena entzun eta gero, Alkateak erabakiko du baimena eman edo ukatzea.

2. Udaleko zerbitzu teknikoak erabili behar den bidea ikuskatzera joan daitezke, bere egoera zein den ezagutzeko.

3. Erabakia hartu eta horren berri emateko epea hilabete da, eta isiltasunak ondorio gaitzesleak izango ditu, udalaren jabetza publikoari buruzko eskumenak ezin baitaitezke isiltasun bidez lortu.

4. Prozedurari amaiera emango dion ebazpenak espedientetik eratorritako gai guztiak argituko ditu, eta erabilera berezirako ezarritako baldintza guztiak izango ditu, eta baita ere kasu horretako baldintza partikularrak, nahitaez bete beharrekoak hain zuzen. Era berean, Ordenantza honetako II Tituluak aurreikusitako bermea ere erabakiko du.

5. Baimena hirugarrengoaren kalterik gabe emango da, eta horrek ez du esan nahi beharrezkoak izan daitezkeen baimen eta lizentziak lortu behar ez direnik.

11. artikulua. Tasak.

1. Udalak lizentzia eman arren, ezartzen diren tasak ordaindu beharko dira hura baliagarria izateko; hau da, tasak ordaindu arte ezin ekin izango zaio ez erabiltzeari ez aprobetxamenduari. Tasen eraketa, kitapen, kudeaketa eta ordainketari buruz arautu beharreko alderdi guztiak dagokion Ordenantza Fiskalaren bidez egingo dira.

2. Tasa ez ordaintzeak lizentzia ezeztatzea ekarriko du berez.

12. artikulua. Luzapena.

Aprobetxamendua ez bada baimenean adierazitako datarako amaitu, dagokion luzapena eskatu beharko da.

13. artikulua. Dokumentuak eta zaintza.

Garraiolariaren betebeharra da baimena emateko udalaren erabakiari buruzko jakinarazpen originala edo horren kopia bat izatea garraioak irauten duen denboran, eta baita ere tasa eta bermea ordaindu direla ziurtatzen duten ordainketa-gutunak. Aipatu dokumentuak udaleko agente edo arduradunei erakutsiko zaizkie horiek eskatzean.

BIGARREN TITULUA

BERMEARI BURUZ

14. artikulua. Bermea.

Baimenaren eskatzaileak bermea ordaindu beharko du nahitaezko izaerarekin eta aipatu bideak erabili baino lehen, eta horretarako legeak onartutako edozein bide erabil dezake; ordainketa udaleko kontu-hartzailetzan egingo da eta jarduera garatzen den denboran gerta daitezkeen kalteak eta eskatzaileari egotz dakizkiokeenak estaltzeko balioko du.

Bermearen indarraldiak Udalbatzak indargabetu arte iraungo du.

15. artikulua. Bermearen zenbatekoa.

Bermearen zenbatekoa kalkulatzeko I. eranskinak dioena hartuko da kontuan, erabilerari dagokion jarduera motaren arabera. Eranskinen ageri diren kopuruak urtero eguneratu ahalko dira Ormaiztegiko Udaleko Alkate-lehendakariaren ebazpen bidez, eta horren berri emango da Gipuzkoako ALDIZKARI OFIZIALEAN.

Mendi bateko zura atera edo mozteko ordaindutako bermeak ez du inolaz ere balio beste mendi bateko zura atera edo mozteko, nahiz eta aprobetxamenduak aldi berean egin.

16. artikulua. Bideak garbitzea.

Aprobetxamenduaren onuradunek bidearen erabilera komuna eta publikoa bermatu beharko dute, eta horretarako behar hainbat konponketa eta garbitze-lan egin beharko dituzte aprobetxamenduak irauten duen denboran. Edo bestela Udala ardura daiteke lan horiek egiteaz, betiere onuradunen kontura.

Edonola ere, onuradunek beharrezko neurriak hartu beharko dituzte zirkulazioa ez kaltetzeko, eta beraz, zuhaitzetako enbor eta adarrek ezin dute bidea okupatu, eta halaber, onuradunen eginkizuna izango da ibilgailuek bidera botatako lurrak, harriak eta abar kentzea.

17. artikulua. Lanak amaitzea.

1. Bidea gehiago erabili behar ez denean Udalari jakinaraziko zaio dagokion baja adierazpenaren bidez. Udaleko zerbitzu teknikoek bidea ikuskatuko dute zein egoeratan dagoen ikusteko, eta berehala nahitaezko txostena egingo dute.

2. Txostenak esango balu bideak ez duela konpondu beharreko kalterik, organo eskudunak interesatuari bermea itzultzea aginduko du.

3. Ordea, txostenak esango balu udalaren bidean kalteak daudela, udaleko zerbitzu teknikoek erabakiko dute kalte horiek zenbatekoak diren eta interesatuari jakinaraziko zaio; interesatuak bere aldetik hamar egun izango ditu bere eskubideen aldeko alegazioak egiteko. Interesatuak akordio bat proposatu ahali zango dio Udalari eztabaida konpontzeko, eta erabaki hori onartuz gero, ebazpenean jasoko da prozedurari amaiera emateko. Hartutako erabakiaren arabera erabakiko da, baita ere, bermea.

4. Alegaziorik egiten ez bada edo kalteei nahiz horien zenbatekoari buruzko eztabaida sortuz gero, organo eskudunak erabakiko du espedientea. Ebazpenaren arabera egiaztatua balego kalteak badirela eta horien zenbatekoa, bermea konfiskatzeko aginduko du eta Udalak kalteak konponduko ditu bermearen kontura; gainera, beharrezkoa izanez gero, kontratazio publikoaren eremuan dituen eskumenak erabiliko ditu. Ebazpena berehala betearaztekoa izango da eta interesatuari jakinaraziko zaio horren aurka dagozkion errekursoak jar ditzan.

5. Konponketaren zenbatekoa bermea baino handiagoa izanez gero, udal kontu-hartzaitzak zorpekoen ziurtagiria egin eta horren berri interesatuari eman ondoren, ordainarazteko prozedura hasiko da.

6. Kostua bermea baino txikiagoa balitz, berriz, diferentzia interesatuari itzuliko zaio.

HIRUGARREN TITULUA

ARAU-HAUSTEAK ETA ZIGORRAK

18. artikulua. Arau-haustek

Arau-haustek oso larriak, larriak eta arinak izan daitezke.

1. Arau-hauste oso larriak dira honakoak:

— Ordenantza honetan ageri diren bideak erabiltzea dagokion baimena izan gabe, betiere baimen hori beharrezkoa denean.

— Bidea erabiltzen hastea bermea ordaindu baino lehen.

2. Arau-hauste larriak dira honakoak:

— Bideak erabiltzea baimendutako pisuak edo kargak dituzten ibilgailuekin.

— Emandako baimenetan ezarritako aginduak ez betetzea.

— Bidearen beste erabiltzaile batzuei eragozpenak txikiagotu eta horien eskubideen erabilera errazteko beharrezko neurriak ez hartzea.

3. Arau-hauste arinak dira honakoak:

— Arau-hauste oso larria edo larria sailkapena ez duen edozein ekintza edo ez-egite eta arau honetan edo aplikaziokoa den beste edozeinetan ezarritako eskubideak zapaltzen dituen.

19. artikulua. Zigorrak.

Arau-hauste oso larriak 1.501 eta 3.000 euro arteko isunarekin zigortuko dira.

Arau-hauste larriak 751 eta 1.500 euro arteko isunarekin zigortuko dira.

Arau-hauste arinak 750 euro arteko isuna izango dute.

Zigorrak zenbatekoa izan behar duen erabakitzeko honako irizpide hauek hartuko dira kontuan bereziki:

a) Nahita egin den edo behin baino gehiagotan gertatu den.

b) Eragindako kalteen izaera.

c) Urtebeteren barruan behin betiko erabaki bidez adierazitako arau-haustea behin eta berriz egitea.

20. artikulua. Zehapen-prozedura.

Zigor-ezarpena eraginkorra izan dadin une bakoitzean aplikaziozkoa den administrazio legeek aurreikusitako zehatzeko prozedura jarraitu beharko da.

Zigorrak ezartzeko organo eskuduna Ormaiztegiko Udaleko Alkate-lehendakaria izango da.

AZKEN XEDAPENA

Ordenantza hori hamabost egunen barruan sartuko da indarrean, Gipuzkoako ALDIZKARI OFIZIALEAN argitaratzen den egunetik kontatzen hasita.

I. ERANSKINA

BERMEAREN ZENBATEKOA ZEHAZTEA

1. Egurra ateratzea:

1 km-ko erabilera bitartekoa: 1 €estereo

1 eta 2 km arteko erabilera: 1,5 €estereo

2 km-ko erabilera baino handiagoa: 2€estereo

2. Beste jarduera batzuk:

1 km-ko erabilera bitartekoa: 42 €kamioia.

1 eta 2 km arteko erabilera: 60 €estereo.

2 km-ko erabilera baino handiagoa: 67 €estereo.

3. Gutxienerako bermea:

600 €

II. ERANSKINA

ERABILERA EDO APROBETXAMENDU BEREZIA ERREGULATZEN DUEN ORDENANTZA APLIKAGARRIA IZANGO ZAIEN ETA LUR EZ URBANIZAGARRIAEN KOKATURIK DAUDEN UDAL BIDEEN ZERRENDA (1994KO ORMAIZTEGIKO UDALEKO ONDASUNEN INBENTARIOAN OINARRITUA)

<i>Bidea Camino</i>	<i>Izena Denominación</i>	<i>Luzera Longitud (m)</i>
1	Zelandieta bidea-Segura bidea	1.350
2	Zelandieta bidea	900
3	Oiarbide-Arizmendi bidea	1.600
4	Arizmendi bidea	1.800
5	Aizabal Gorakoa bidea	1.100
6	Aizabal Azpi bidea	650
7	Lierni bidea-Tren Txikiaren trazadua	650
8	San Esteban-Palanka bidea	1.100
9	Depositorako bidea	100
10	Ubazarro-goikoa eta Depositu bidea	600
11	Mekola bidea	350
12	Arane bidea	670
13	Ololkiaga bidea	980
14	Treosatik-Trenbiderako bidea	240
15	Sosoaga bidea	150
16	Sosoaga eta Etxeberri-garakoa bidea	230
17	Etxeberri-garakoa bidea	540
18	Arraitegi-Etxeberri-garakoa bidea	150
19	Piku-kale	270
20	Kanposantu bidea	450
21	Iraegi bidea	100
22	Azpeitirako bidea	3.500
23	Arandi bidea	320
24	Iraegi-Iturriko bidea	380
25	Urbizu bidea	1.850
26	Aranguren-txiki bidea	400
27	Zelaikoko bidea	540
28	Lapur-etxe bidea	320
29	Sosoaga-txiki	300
30	Bainyuetxea-Apeadero bidea	100
31	Karteronetik Mendizabal auzorako oinezkoentzako bidea	230
32	Teileriate	80
33	Mendizabal eta Azpeitiko bidea	2.270
	<i>Guztira-Total</i>	24.270

Lur Ez Urbanizagarrian kokatuta dauden udal bide publikoen erabilera bereziagatik ordaindu beharreko tasak arautzen dituen Ordenantza Fiskala.

I. XEDAPEN OROKORRAK

1. artikulua.

Entitate Lokal honek, Gipuzkoako Toki Ogasunak arautzen dituen 11/1989, uztailak 5eko Foru Arauari jarraiki, Eranskinean zehazten diren tasak ezarri eta exijitzen ditu udal titularitatezkoak diren eta lur ez urbanizagarrian (edo legedi urbanistikoak ezartzen duen antzeko kontzeptua) kokaturik dauden bideen erabilera edo aprobetxamendu bereziagatik. Ordenantza honetan adierazten diren arauen arabera ezarri eta esijitzen dira tasa horiek, eta haren barruan geratzen dira jasota.

2. artikulua.

Ordenantza hau entitate lokalaren lurralde eremu osoan aplikatuko da.

II. ZERGAGAIA

3. artikulua.

Udal titularitatezkoak diren eta lur ez urbanizagarrian (edo legedi urbanistikoak ezartzen duen - antzeko kontzeptua) kokaturik dauden bideen erabilera edo aprobetxamendu bereziak eratzen du zergagaia. Erabilera berezizat joko da udal jabegoko bideen erabilera eta probetxamendu berezia arautzen duen Ordenantzak bere 6. artikuluan deskribatzen dituen ibilgailuek egiten dutena. Ordenantza hori Udal honek onartua du.

III. SUBJEKTU PASIBOA

4. artikulua.

Honako hauek izango dira, zergadun bezala, subjektu pasiboak: Pertsona fisikoak zein juridikoak, eta Gipuzkoako Zergen Foru Arau Orokorrak 35. artikuluan aipatzen dituen entitateak, baldin eta beren onura partikularrerako gozatu, erabili edo aprobetxatzen badituzte Udal titularitatezkoak diren eta lur ez urbanizagarrian (edo legedi urbanistikoak ezartzen duen - antzeko kontzeptua) kokaturik dauden bideak, uztailaren 5eko 11/1989 Foru Arauak, Gipuzkoako Toki Ogasunei buruzkoak, 20.2 artikuluan jasotzen dituen kasuen arabera.

Estatua, Autonomia Elkarateak eta Entitate Lokalak ez daude behartuta tasak ordaintzera Udal titularitatezkoak diren eta lur ez urbanizagarrian kokaturik dauden bideen erabilera edo aprobetxamendu bereziagatik.

5. artikulua.

Tasen ordainketa lizentziak beren izenean jasotzen dituztenek egingo dute, eta horien ezean, probetxamenduaren onuradun direnek.

IV. SALBUESPENAK, MURRIZPENAK ETA HOBARIAK

6. artikulua.

Salbuespenak edo bestelako onura fiskalak aplikagarri diren xedapen orokorretan ezarritakoaren arabera emango dira.

V. OINARRI EZARGARRIA

7. artikulua.

Oinarri ezargarrria Udal titularitatezkoak diren eta lur ez urbanizagarrian (edo legedi urbanistikoak ezartzen duen antzeko kontzeptua) kokaturik dauden bideen erabilera edo aprobetxamendu berezia gauzatzen den unitate bakoitzak osatzen du, Eranskinean jasotakoaren arabera.

VI. KUOTA

8. artikulua.

Zerga kuota tarifa bat, espreski erabakitako kopuru finko bat edo, bestela, bi prozedurak batera erabiliz finkatuko da, Eranskinean ezarritakoaren arabera.

Udal titularitatezkoak diren eta lur ez urbanizagarrian (edo legedi urbanistikoak ezartzen duen antzeko kontzeptua) kokaturik dauden bideen erabilera edo aprobetxamendu bereziak udal jabari publikoa suntsitu edo hondatzen duenean, onuradunak, behar den tasari aurre egiteaz gainera, osorik itzuli beharko ditu berreraikuntza edo konponketa gastuen kostuak, eta haren zenbatekoa alde aurretik ordaindu.

Kalteak konponezinak badira, udalak kalteordain bat jasoko du. Suntsitutako ondasunen pareko balioa izango du, edo bestela, kaltetutako ondasunen zenbatekoarena.

Entitate Lokalak ezingo ditu barkatu, ez osorik ez zati batean, apartatu honetan aiptazen diren kalteordainak edo diru-itzulketak.

VII. SORTZAPENA ETA ZERGALDIA

9. artikulua.

Udal titularitatezkoak diren eta lur ez urbanizagarrian (edo legedi urbanistikoak ezartzen duen antzeko kontzeptua) kokaturik dauden bideen erabilera edo aprobetxamendu bereziagatik esijitzen den tasa hurrengo uneetan sortuko da zergagaiaren arabera: Erabilera edo aprobetxamendu berezia hasten denean, eta orduan zenbateko osoa edo haren zati bat aurrez ordaintzea exijitu daiteke, edota, bestela, jarduketari edo espedienteari hasiera ematen dion eskaera aurkezten denean; jarduketa ez da egingo edo espediente ez da izapidetuko dagokion ordainketa egiten ez bada.

Tasaren izaera materialak sortzapena aldizkakoa izatea exijitzen duenean, sortzapen hori urte bakoitzeko urtarrilaren leian gertatuko da eta zergaldiak urte naturala hartuko du. Erabilera edo probetxamendu berezia hasi edo uzten denean, ordea, zergaldia zirkunstantzia horretara egokituko da, eta kuotan dagokion hainbanaketa egingo da.

Erabilera edo probetxamendu bereziaren eskubidea burutu edo gauzatu gabe geratzen bada subjektu pasiboarekin zer ikusirik ez duten arrazoiengatik, dagokion zenbatekoa itzuliko zaio.

VII. LIKIDAZIOA ETA ORDAINKETA

10. artikulua.

Entitate Lokalak kontzeptu bakoitzaren likidazioa egingo du, eta likidaturiko kopurua eskudirutan ordainduko da.

IX. TASEN KUDEAKETA

11. artikulua.

Ordenantza honetan arautzen diren tasak likidatu, bildu eta ikuskatzeari dagokion guztian, eta, halaber, zerga urrapenak kalifikatu eta kasu bakoitzean dagozkien zigorrak ezartzerakoan, Gipuzkoako Zergen Foru Arau Orokorrean jasotakoa aplikatuko da.

X. AMAIERAKO XEDAPENA

Ordenantza hau eta bere Eranskina, 2007ko urtarrilaren leian jarriko da indarrean, eta aldatu edo indargabetzea erabakitzen ez den arte jarraituko du indarrean.

I ERANSKINA

Tasaren kalkulua: Portzentaia fianzaren gainean:

- Erabilera edo aprobetxamendu tipoa:
- Bidearen erabilera zura atera edo garraiatzeko: Fianzaren gaineko 10%.
- Bidearen erabilera beste material batzu garraiatzeko: Fianzaren gaineko 10%.
- Gutxieneko tasa: 60,00 euro.

II. ERANSKINA

ERABILERA EDO APROBETXAMENDU BEREZIA ERREGULATZEN DUEN ORDENANTZA APLIKAGARRIA IZANGO ZAIEN ETA LUR EZ URBANIZAGARRIAEN KOKATURIK DAUDEN UDAL BIDEEN ZERRENDA (1994KO ORMAIZTEGIKO UDALEKO ONDASUNEN INBENTARIOAN OINARRITUA)

<i>Bidea Camino</i>	<i>Izena Denominación</i>	<i>Luzera Longitud (m)</i>
1	Zelandieta bidea-Segura bidea	1.350
2	Zelandieta bidea	900
3	Oiarbide-Arizmendi bidea	1.600
4	Arizmendi bidea	1.800
5	Aizabal Gorakoa bidea	1.100
6	Aizabal Azpi bidea	650
7	Lierni bidea-Tren Txikiaren trazadua	650
8	San Esteban-Palanka bidea	1.100
9	Depositorako bidea	100
10	Ubazarro-goikoa eta Depositu bidea	600
11	Mekola bidea	350
12	Arane bidea	670
13	Ololkiaga bidea	980
14	Treosatik-Trenbiderako bidea	240
15	Sosoaga bidea	150
16	Sosoaga eta Etxeberri-garakoa bidea	230
17	Etxeberri-garakoa bidea	540
18	Arraitegi-Etxeberri-garakoa bidea	150
19	Piku-kale	270
20	Kanposantu bidea	450
21	Iraegi bidea	100
22	Azpeitirako bidea	3.500
23	Arandi bidea	320
24	Iraegi-Iturriko bidea	380
25	Urbizu bidea	1.850
26	Aranguren-txiki bidea	400
27	Zelaikoko bidea	540
28	Lapur-etxe bidea	320
29	Sosoaga-txiki	300
30	Bainuetxea-Apeadero bidea	100
31	Karteronetik Mendizabal auzorako oinezkoentzako bidea	230
32	Teileriate	80
33	Mendizabal eta Azpeitiko bidea	2.270
	<i>Guztira-Total</i>	24.270

Gipuzkoako Udal Ogasunak arautzen dituen uztailaren 5eko 11/1989 Foru Arauko 18.1 artikuluan ezarritakoaren arabera, tipok, kuotak, tarifak eta Ordenantzak finkatu eta aldatzea onesten duen akordio horien aurka, interesatuek errekurso kontentzioso-administratiboa tartekatu ahal izango dute Euskadiko Justizia Auzitegi Gorenaren aurrean bi hilabeteko epean, akordio horiek Gipuzkoako Aldizkari Ofizialean argitaratu eta hurrengo egunetik aurrera zenbakituz. Dena dela, interesatu horiek aurkez dezakete, nahi bada eta kontentzioso-administratibo bidea baino lehen, Gipuzkoako Foru Auzitegi Ekonomiko-Administratiboaren aurrean erreklamazioa hilabeteko epean, aipatu akordioa Gipuzkoako ALDIZKARI OFIZIALEAN argitaratu denetik aurrera kontatuz.

Ormaiztegi, 2006ko abenduaren 27a.—Alkatea.